



Hmasawanna Thar

(A N I N D E P E N D E N T D A I L Y N E W S P A P E R)

Regd. No. RNI - 40917/89 | Postal Regd. No. MNP - 67

Daily & Direct Service

JIRIBAM / HMARKHAWLIEN

C/o Babita # 9862129273

Contact Numbers pawimaw :
DC/CCPur : 03874-234234
SP/CCPur : 03874-236747
Police Station : 03874-202248
SP Control Room: 03874-233239
Dist. Hospital Casualty : 03874-233370
Fire Brigade : 8974 147 799/
8258 057 887 / 8974 103 600

Hmasawanna Thar Vol - 32/172

Churachandpur

email : hmasawnatharnews@yahoo.com

Phone: +91-3874-236846

Rs 6/- per copy

Training-a thang hlawtlingna chang hai lawmpuina



CCPUR: 27- Sector Assam Rifles hnuoia CCPur Battalion huoihawtnain April 6, 2017, 10:30AM kham District Training Centre, Tui-bong, CCPur-ah Battalion huoihawtna Traing tum tuma thang thalai hlawtlingna chang hai lawmpuina hun hmang a nih.

Hi huna hin Staff Selection Commission (SSC) huoihawtna Central Armed Police Force (CAPF) hnuoia hlawtlingna chang pasal 7 le nuhmei 7 bakah Army Recruitment a hlawtlingna chang thalai pasal 12 hai lawmpuina thil pek inhan a nih.

Hi huna hin V. Hangkhanlian, Minister (Agri, Vety & Animal Husbandary), Govt. of Manipur khuollien a thang a, Brigadier Ajay Kumar, 27-Sector Assam Rifles leh hlawtlingna chang hai thilpek inhan a nei. Chun, Assam Rifles huoihawtna Hospitality Management le Electrician training Jugeshwar Centre for Retail Excellence (JCRE) fethlengna neia uma hlawtlingna chang mi 28 hai kuoma khawm hi huna thang ve R. Sudhan, IAS, DC, CCPur le Rakesh Balwal, IPS, SP, CCPur han Certificate inhan a nei.

V. Hangkhanlian chun, thalai hai ta dinga Assam Rifles han hieng training a buotsai chu lawmum a ti thu hrilin District minister a ninaah a lawmpui hl eth a hril a, Assam Rifles han dan le thupek enkawl chau ni lova thalai hai hmakhuo ding ngaituonaa hienganga kal an pek chu ropui a ti hle thu hrilin, ei rama muongna le inremna a um theina dingin mitin dan le thupek enkawl tu

hai thlawp dingin a ngen.

Brigadier Ajay Kumar chun, Assam Rifles hai umna hmun tinah Civic Action Plan hnuoia hriselna, thienglimna le tui hnienghnar tak mipui han an hmuteina ding le thil dang dang a thaw hlak thu, CCPur-ah sin nei lo thalai tam tak hai hmakhuo ngaina leia Pre-Recruitment rally le course tum tum training a pek a ni thu, hlawtlingna chang hai a lawmpui hle thu a hril.

R. Sudhan, IAS chun, thalai hieng zatin sin an hung hmu theina dinga lampui kawkhmutu Assam Rifles hai chunga lawmthu a hril a, District sunga sin an dainaw leiin thalai hai chu tumru taka lekha inchuk le state puotieng chena sin zawng thei dinga thang la dingin thalai hai an fui a, muongna le inremna a um theina dingin mitin thang la seng dingin a fiel bawk.

Hi hun hmangna hi Tribe leaders, Philanthropic Organisation tum tuma thuoitu, student Organisation tum le NGO tum tuma mi hai bakah hlawtlingna chang student nu le pa hai khawmin an uop.

CCPUR Battalion hin thalai sin zawng mek hai hmakhuo ngainain Army Recruitment a dingin Pre-recruitment training bakah National Skill Development Cooperation (NSDC) thanguipuin JCRE fethlengin Skill Development Training and Hospitality Management le Electrician training hai an huoihawt hlak bakah Competitive tum tum exam ding hai Crush Course an neipui hlak bawk a nih.

Anti-Corruption Cell-ah Complaints 400 chuong a lut tah; Manipur State-ah BJP in kum 20 chuong rorel an tih: N. Biren Singh

IMPHAL: Zanikhan BJP Manipur Pradesh chun an Head Office, Nityapat Chuthek, Imphal-ah 37th BJP Foundation Day an hmang. Hi huna hin CM N. Biren Singh, BJP Manipur Pradesh Presient Ksh. Bhabananda, Manipur CM hlui Radhabinod Koijom, Senior Party thuoitu Th. Chaoba, Ministers, Parliamentary Secretaries, BJP MLAs, State BJP leaders le Party worker-hai an thang tawl.

CM N. Biren Singh in hi huna thu a hrianaa chun hieng thu hai hi a hril: Ka sawrkar chun Corruption a do tan a, hrat takin do pei a tih. Tuchen hin Anti-Corruption Cell-ah complaints 400 a lut tah. Complaints lut tahai hi Monitoring Cell in enfel an ta, enfela um hai chu complaints umna biela Police Station haiaa peklut nign an ta, chu taka inthawk chun Police han suizuina sin thaw tan an tih.

Manipur-a BJP thuoina hnuoia Coalition Government sawrkar nget hung um a ta, kum 20 chuong Manipur-ah BJP in ro an rel ding a nih. Ka sawrkar ngaipawimaw chu mipui rawngbawl, muongna le inremna tuontling inumtir le State pumpui nundan panggaia inumtir nawk a nih. Nisa lum tak le ruo



hnuoia kum upa ta Pensioner-hai an pension sum la dinga Bank le Treasury Office tuola an ngir tlar ka hmuin paw ki ta a, ka tuornatpui hle. Hiengang thil hi a um ta nawna dingin Treasury Office le Bank

hai chu Finance Secretary leh inrawntlanga hma la dingin kan hriettir a nih. Manipur tlangmi le phaimi hai inlaichinna thauh chun, sawrkar thar chun a thaw theizie a hung suklang a, hnam tum tum

hai laia kar um hlak kha a hung bo ta a nih. Hnam hran hran hai laia inringzona a hung um tan ta a, CM ka ni lawmpui dingi Ukhurul a inthawk fielna ka hmu bakah Senapati le Churachandpur mihai chu ka Office-ah hungin an mi hung lawmpui a, mal an mi hung sawm tawl bawk a nih. Nagaland khawma muongna le inlungroalna nei an nuom thu an hung hril.

Phairam mihai hi tlangram mihai lampui indika thuoitu ding ei nih. A mi-hriem tam lem ei ni ang bawkin lekhatim khawm ei tam lem. Kawng iengkimah hma thuoitu ding, a zaidaw thei ding le lampui indik hritluo ding ei nih tiin N. Biren Singh chun a hril.

Martyrs hai ruong vui a ni theina dingin sawrkarin theitawpin hma a lak: V. Hangkhanlian



CCPUR: BJP, CCPur district Manipur Pradesh hmalaknain zani 10:30AM kham District BJP Office, Tiddim Road hmunah BJP indin kum 37 tling lawmna hun hmang a nih. Hi hun hmangna chu H. Khaisei, Spokesperson, District BJP in an rawi a, V. Hangkhanlian, Vice President, BJP Manipur Pradesh, Robin Blacky, State BJP Treasurer le District incharge bakah Tuanzahao, Vice President, Kishan Churachandpur han candle sitvarna an nei a, V. Hangkhanlian in thuhrlina hun a hmang.

Hi huna V. Hangkhanlian in thu a hrianaa chun, Anti-Tribal Bills leia thina tuok pasaltha hai ruong vui lo la um hai chungthu chu Manipur BJP sawrkarin a ngaipawimaw hle thu, ama fe thlengin JAC chu inbiakpui dingin a fiel ta thu hrilin sawtnawte hnunga Bills 3 hai le inzawma buoia chungthu hritltang le lungruol taka pasaltha hai ruong vui lova la um hai vui an ni theina dingin sawrkarin theitawpin hma a lak a nih tiin a hril. Hi thila ding hin mitin le pawl tum tum hai inhawng taka um ding le inbiakremna a hung um ngei theina dingin mitin hma la seng ei tui tiin ngenna a siem.

Minister pahniin mimkei tlungna hmun an va en

IMPHAL: March 5, 2017 a Ukhurul District-a Litan Police Station huop sunga Sirarakhong Village-a mimkei tlungna hmun chu zanikhan a hmun ngeiah Minister pahni, Th. Shyamkumar, Minister (Forest & Environment, Horticulture & Soil Conservation, MA-HUD le Town Planning) le N. Kayisii, Minister (Tribal & Hill Areas Development le Fisheries) han an va en a, mimkei leia siettuokhai



thangpuina dingin Rs. 6.5 lakh an va pek. Rs. 6.5 lakh laia Rs. 3 lakh

hi N. Kayisii in a thawlawm a ni a, Rs. 2 lakh chu Forest & Environment Department, Rs. 50,000 chu Principal Chief Conservator of Forest le Rs. 1 lakh chu Horticulture & Soil Conservation Department haia inthawka pek an nih.

Mimkei hin mihriem chengna In 4 a suksiet a, In 15 dang a suksiet nuol bawk a nih. Mimkei tlungna hmun hi a tlum pha bakah hnuoi-kak nasa tak a siem pha.

Dy. CM in thanguina a sem



IMPHAL: Meitei Langol Yumjao Manbi biela riel leia harsatna tuok sungkuoi 29 a mi 121 hai chu zanikhan Dy. CM Yumnam Joykumar in thanguina a

Old Age Pension chungchang

IMPHAL: Zanikhan CM N. Biren Singh inrawinain Chief Ministers' Secretariat, Imphal-ah Principal Secretary (Social Welfare), Principal Secretary (Finance), Director (Social Welfare) le Assistant General Manager, Manipur/Convenor State Level Bankers Committee han Meeting an nei a, Old Age Pension-hai chungchang an hritltang.

Indona Vuongna 2 an hung tum

IMPHAL: Indian Air Force (IAF) hnuoia Indona Vuongna Sukhoi (Fighter Plane) pahni chu zanikhan Tuliha Airport, Imphal-ah an hung tum. Ring dana chun ensinna dinga hung tum sin anni ring a nih. Ramri zula um ei ni a, a tul



huna a tumin a vuongsuok thei dim ti chu an ensin ni dinga ring a nih.

ZSF le ZMA in inruithei dona

CCPUR: Zomi Students Federation (ZSF) GHQ le Zomi Mothers Assn. (ZMA) GHQ hai chun thanguolin New bazar area-ah inruithei dodalna sin tainin duty tha takin an thaw tan niin ZSF GHQ Secy. Inf. & Publ. S. N. John chun a hril. Uoulau le zalen taka inruithei zawr a nih ti report an dawng leia duty insiem an nih. Tulai hin CCPur khawpui sunga Sakawr damdawi (WY) hi an lar hle a hril a nih. Dist. Administrationle thuneituhai khawpui thienglimna dinga hma la thar ding le CSOs hai chu inruithei dona kawnga hma la ve seng dingin fielna an siem.

VDF han Ceasework strike nei tum an hlip

CCPUR: Manipur Governor remtina dungzua Special Secretary (Home), Govt. of Manipur M. Yaikul Meitei in April 5, 2017 nia Manipur-a VDF personnel hai thla hlaw Rs. 4000/- ni hlak January 3, 2017 a inthawk Rs. 6000/- le ration money Rs. 1000/- ni ta dinga Order an suo le inzawmin All Manipur VDF Welfare Association (AMVDFWA) chun an hlaw sukpung dinga ngen-na Ceasework Strike nei an tum chu an hlip/thul ta niin ei thu dawngna chun a hril.

UN Security Council-ah India member det a ni ta ding: Swaraj

NEW DELHI: Zanita Rajya Sabha inthungna-ah External Affairs Minister Sushma Swaraj chun India chu UN Security Council-ah member det (permanent member) a ni ta ding thu huosen takin a hril. UN Security Council a chun member thar hai khawm a kumhlan hai angin rights an nei ngal hlak a, chu ang bawkin India khawm member det a ni le inruolin member det sa hai angin thuneina a nei ngal ding niin Swaraj chun a hril.

hrieta a dang naw thu a hril bawk. "Members hlui le thar hai inthier hranna um phal a ni nawh a. Permanent members hai laia first class, second class ti hai anga class a um naw bawk. Chuang ang bawkin, India khawm members det a ni ta chun, members hlunhai ngirhmun ang a dit veh a, chu ngirhmun chu chang ngal bawk a tih" tiin Swaraj chun a hril.

CHANCHIN LAKTAWI

One Day Market

CCPUR: Saikot Presbytery EFCI Nuhmei Pawl chun April 8, 2017, 6:30AM a inthawk hin Lighthouse Lane, CCPur-ah Pathien rama rawngbawlna dingin One Day Market an thaw ding a ni a. Hi huna hin Sa chantang le Hmepaw bakah Bu le hme Hotel siem an tih. Secondhand thuumhnaw bakah Thingpui Hotel-ah Puri hai khawm hmu thei ning a tih. Pathien rawngbawlna mitin va dawng seng dingin Saikawt Presbytery EFCI Nuhmei Pawl chun fielna le ngenna an siem.

Lok Adalat

CCPUR: April 8, 2017 khin District Legal Service Authority, CCPur chun Chief Judicial Magistrate Court, Tui-bong hmunah Bank le inzawma thubuoi nei hai ta dingin One Day Lok Adalat huoihawt an tih. Hi huna hin Bank thua thubuoi um hai chingfel ning a ta, hiengang thubuoi chingfel ding nei hai Lok Adalat huna hin thang dingin Dist. Legal Service Authority, CCPur chun fielna a siem.

GAS NEWS

Agency : SAS
Booking : 28th. Dec., 2016 to 28th. JAN., 2017
Delivery: 07-04-2017 (FRI)
Time : 8AM-till stock
STOCK : 306
Rate: Rs. 884

Food Safety Official rawiin an enfel

CCPUR: Food Safety, CCPur chun zanikhan Miss Bisosana Loitongbam, Food Safety Officer, CCPur inrawinain CCPur khawpui sunga Dawr tum tum hai kankuolna neiin, dawr haia fak thei le thil dang dang zawra um hai enfelna le dawr licence hai enfelna an nei.

Miss Bisosana chun, Dawr tum tum an enfel huna, a bikin Dal man tawm le man tam chawkpawl hmu a ni thu le Burma tienga inthawka hung phur Hme hangna tam tak hmu a ni thu, fakthei thenkhat Burma tienga inthawka hung, expiry date inzieklo tam tak a um leiin fimkhur dingin mipui loa siem fakthei chi tum



tum hai faklo a tha in a him tak a nih tiin a hril. Dawrka hai khawm a hun bo hnung le expiry date inziekna um lo fak thei hai zawr lo dingin an hriettir bawk.

CCPUR khawpui sunga sa zawrna hmun hai a thienglim tawknaw chau ni loin a tawp hle a, a bikin Nga zawrna hmun hai siemthat a pawimaw tiin

Dr Lalrimawi Pudaite in hmeithai inpawlpuina a nei



CCPUR: Dr Lalrimawi Pudaite chun zani zantieng 1:00PM kham PMS Bungalow, Sielmat Churachandpur a chengna hmunah Sielmat EFCI Kohran sunga hmeithai hai Pathien thu le hlaa inpawlpuina

hmeithai mi 45 vel an thang a, Chief Guest Pastor Pienglawm a inthawk infuina thucha ngaithlak a ni bakah hmeithai hai ta dinga tawngtaipekna a nei bawk.

Dr Lalrimawi Pudaite chun hi huna thang hmeithai hai chu thanguina thilpek an hlan tawl. Tuta hma Dr Rochunga Pudaite dam lai kum 5 liemta a inthawk kham hmeithai hai inpawlpuina an lo nei ta hlak a, tuta tum hi an pa Rev. Dr Rochunga Pudaite thi hnunga hmeithai hai an pawlpui hmasaktakna a ni a, thu le hlaa inpawltlangna neiin an hlimtlang hle.

Hi hun hmangnaa hin Sielmat EFCI kohran sunga

VAWISUN THUPUI

Mifel thil tlawmte nei chu mirilo thil ngei hnerhnur nek chun a tha lem dai. Mirilo banhai chu sukthliekin a um ding a ni si a, mifel ruok chu Lalpan a chawisang hlak. Lalpa chun mi tha famkim nihai chu a hriet a, an ro hlou ding chu kumkhuoin um zing a tih. -Sam 37:16-18

Editorial Inrenthiem inla

Mihriem ei hung piengsuoka, nautein bul ei tan a, naute a inthawk naupang, naupang a inthawk tleirawl, tleirawla inthawk nunghak le tlangval ei hung ni tung pei a. Mihriem pangngaihai ta ding chun nuhmei le pasal nei hun a hungtung a. Nuhmei le pasal ei hung nei chun nau an hung pieng a. Nau an hung pieng ta chun sungkuo ei hung ni der ta a. Sungkhuo hung ngirsuokna ding hin thil tul le pawimaw tam takel a hung um a. Hienghai laia a tul le pawimaw em em el pakhat chu inrenthiem hi a nih. Sungkuo intodel zonaw ei tihai hi a tlangpuin inrenthiem lo annawleh mi inhangthiem lo an hung ni hlak. Sungkuo intodel ni ding chun inrenthiem a tul bek bek el a nih. Dit po po inchawk seng a ni ngai naw ding a ni leiin nu le pa hai chun lo thui lova mamaw ngei ngeihai chau inchawk hlak ding a nih.

Tribal-hai hi a tlangpuin inren ei thiem naw zuol bik. Tribal hai lai ser le sang khawm Zohnathlakhai hi ei thiem naw zuol bik niin anlang. Inrenna tieng-pangah hin chu Vai ei tihai hi entawntlak an nih. Hi lei hin inrenna kawngah hin Vaihai hi entawn inla thaw suol naw hleng ei tih. Ei ramah Vai ruol Kuli sin thawin an hung um a, an inrenthiem leiin kum tam tak Kuli sin an thaw ngai nawh. Hang sut chet chet inla, ei rama Kuli sin thaw a tam lem hai kha tuhin chu dawrkai le Mahajon an ni deu fur tah. An taimakna lei chauva hiengang ngirhmuna um thien an ni naw a, an inrenthiem leihi hiengang ngirhmuna hung um thien an nih.

Churachandpur town sunga Vai, Kuli sin hung thaw hai po po an changkang vawng tina ruok chu a ni nawh. Amiruokchu, a tamlem an changkang a, mihriem an suokdawk a nih. Kuli changkang ta t henkhat chu an ram tieng kir ta lovin Churachandpur town sunga ngei dawr lien tak tak an siem a; t henkhat ruok chu Churachandpur suoksanin an ram tieng an kir a. An ramah In le lo burip le changkang tak tak nein an khawsa ta bawka a nih. Hienganga an ngirsuok theina hi a bulpui tak chu an inrenthiem lei a nih. Mihriem ngirsuokna dinga taimak a pawimaw ang thoin inrenthiem hi a pawimaw em em el a nih. Vaihai chu an sum lam suok le immin an khawsa thien a. Ei ni rawi suok chun ei thien ve nawh. Ni khata ei sum hmu neka tam ei hman ngam hlak. Bata thil inchawk ei huoi. Batin sa le Nga ei hme ngam a nih.

Ei rama hin thaw ding nei lova leng mei mei hi ei tam ta hle ti chu mita hmuteu seng ei nih. Sum thaw-suok nei lo, hni chawpa dam le khawsa hi a tamlem ei nih ti inla ei hril suol talruo ring a um nawh. Hi lei hin ei thupui ding chu "Inrenthiem" hi a nih. A hmian inren ei lo thien naw a lo ni khawma tuta inthawka sum le pai hmang dang ei thien a, ei inrenthiem phawt chun la hung ngirsuok ei ta, sungkuo intodel ei la hung ni thien ngei ding a nih. Thil iengkim el hi inchuk thien a nih. Inrenthiem ei inchuk phawt chun ei inrenthiem thien ve ngei ring a um. Inrenthiem mi ni ding chun insum, ngei le chan ding tam tak um a tih. Insum ding le ngei ding hai chu inang kher naw nih. Sungkuo intodel, sungkuo ngirsuok le khawsa thien nina ding hin insum tulhai, ngei tulhai le bansan tulhai ei insum, ngei le bansan ngam ding a nih. Hieng thil hai hi ei ngam naw chun chawmhlawma dam le khawsa ei nizing el ding niawm tak a nih.

Mamaw ni lo thil inchawk hi ei huoisenna zawng a ni tlat el hi a pawu a nih. Sungkuo tinin sie that dinga ni mang lo, peihawn dinga ni manglo hi ei hau tawl seng niin an lang. Secondhand thumhnaw lem hi chu ei mamaw bak ei nei deu fur ring a um. Sum hmang ei thiem theina ding chun budget nei ngei ngei ding a nih. Ei sungkuo budget a thangsala lo hi chu inchawk lo le bata lak lo ei ngam a tul a nih. Sa hme lo ding niah chun ei inah Sa an hung zawr khawma inchawk lo or bat lo ngam el ding a nih. Ei sungkuo harsat phana ding nekinn hnawng ngam ei tiu.

Mimal le sungkuo chau ni lovin sawrkar khawm an ren thiem a tul. Sawrkar office-ah ei fe a, thil tul lo le mamaw ni lo thil um hi hmu ding a tam em em el a nih. Sawrkar khawm an ret thien naw chun sum indai ngai bik naw nih. Sawrkar thawktu, officer le officer naw hai office pindan haiah hmangruo an kawl thien (entitlement) bak kawl hi hmu ding a um deu fur el. Hiengang bawh hin minister hnan hnan hai office pindan sungah khawm hmu ding a um bawka. Hieng a ni lei hin ei state sawrkar khawm hin inrenna tiengpang hi ngaipawimaw sa sienla nuom a um.

HSLC Exam sungin students 11 hnawtdawk an nih

IMPHAL: Board of Secondary Education, Manipur huoihawna hnuaia HSLC (Class X) Examination, 2017 sung khan enruk thaw lei le mi aia exam leiin Manipur pumpuihai students 11 exam sunzawm thien ta

lo dinga hnawtdawk an nih tiin Board of Secondary Education, Manipur thuosuk chun a hril. Students 11 hai hi Noney, Khangabok-A le Motbung Examination Centre haia inthawka hnawtdawk an nih.

Editorial Board

Lalmawsaw Sellate: Editor & Publisher
Roding L. Sellate: Jt. Editor
Ramsditum @ Rama Ralsun: Asst. Editor
Lalsansuok Pulamte & Samuol Zothanglien@SZ Zote: Sports
Joseph Joute: Freelance
Lalruotlien Dulien: Computer Assistant
Edited & Published by Lalmawsaw Sellate at HT Office, Lighthouse Lane, Churachandpur and Printed by him at Lamka Super Printer, Vengnuam, Hiangtam Lamka, CCPur, Manipur.

PM in project 2 lungphum hawngna nei

NEW DELHI: Prime Minister Narendra Modi in zannikan Jharkhand hmunah development project 2 hai lungphum hawngna a nei. PM in Lungphum hawngna a nei hai chu Sahebganj, Jharkhand hmuna Ganga vadung thangsana 'multi-modal terminal' le 'four-lane bridge' (lampui pathum umna ding leilak) hai an nih. Lungphum hawngna a nei lain, PM chun chuong project hai chu sukputing an ni pha, Jharkhand hmuna thalai tam tak sin a pek ding thu le, skill development tieng khawm nasatakin hma a suk-sawn pha ding thu a hril.



Jharkhand mipuihai ta ding development chu an hring-nun sukchangkangna dinga pawimaw tak a ni thu a hril. Development hmangan a sawrkar chu mi hnouihung-hai le tribal hnam hai dawmsangna dinga sin a thaw pei ding thu PM chun a hril bawka. 'Multi model transport terminal' siem mek ding

chun Jharkhan state sunga sumdawngna sukhmasawin, sin tam tak abikin tlangram khuaa mihai ta ding a siem ding thu PM chun a hril.

PM chun Govindpur-Jamtara-Dumka-Sahebganj Highway khawm hawngna a nei nhal a. Sahebganj district le Sahebganj district hospital haia Solar Power Facility hai chu India ta dinga inhlanna a nei bawka. Hunsar hmangna haia chun Union Minister Nitin Gadkari, Jharkhand Governor Drupadi Murmu, Chief Minister Raghuvar Das le Chief Justice of state High Court, Justice P K Mohanty hai khawm an thang ve.

Kum 2 bek doctors haiin tlangramah practice nei raw hai seh: Yogi Adityanath

LUCKNOW: Zanikhan Uttar Pradesh Chief Minister Yogi Aditya Nath in King George's Medical University (KGMU) hmuna ventilator khum 56 le 'critical care service' inzauna a hawng a, thuhirilna a neina a chun, UP hmuna doctors hai chu tlangramah kum 2 bek a tlawm takah practice an thaw a pawimaw thu a hril. KGMU chun khum pangngai 88 le ventilator khum 144 a neina a ni tah.

hmanng tangkaiin, tlangram hmun haiah private a practice nei ding a hril. UP hmuna hmuna inenkawlna-ah tharum insuona hril ding a um zeu zeu tah a, hi thil hi doctors haiin an mawphurna an hlen naw lei niin Adityanath chun a hril. "Doctor haiin dam-naw an enkawl hai laia a chanve bek an damsuok theina dingin, doctors haiin mihriem pangngai taka damnaw hai bie a, an ngaiwen zie an suklang a pawimaw" tiin Adityanath chun a hril a. Gorakhpur hmuna kum tlawmte liem-



ta a thil tung hai Adityanath in a hril a, damnaw haiin doctors hai chu sa thattu (butcher) anga an ngai ta thu le, indawina nei lova enkawl dinga an ngai hlak thu a hril. Doctors tam tak chu khawpuia posting an nuom

a, private a sum laklutna ding an nei hlak lei a nih. MBBS zo thar hai chu tlangrama PHCs le CHCs haiah a tlawm takah kum 2 bek sinthaw phawt raw hai seh. Tlangrama service thaw chu tha lem a ta, khawpui boruokin a sukbuoi naw ding a nih. Sawrkarin an inchukna dingin pawisa a seng a nih ti doctors haiin hrie hai sien, mipui vantlang in an ni hai fetlenga sawrkar an sawr tangkai theina dinga an inchukna-ah sengso a tum hlak a nih tiin Adityanath chun a hril.

Loneituhai loan sukbo: Thenkhatin an lawm a, thenkhatin mitthli hukna anga ngai

LUCKNOW: Uttar Pradesh sawrkar chun loneituhai loan a sukbo pek ding thu a puong a, chu le inzawmin, mi t henkhat chun an lawmna thu an hril a, thenkhat ruok chun mitthli hrunka chaw an ngai thu an hril tung. Zani hmasak khan Chief Minister Yogi Adityanath inrawina hnuaia BJP sawrkarin Uttar Pradesh hmuna loneitu hai loan Rs. 36,359 crore a sukbo pek ding thu a puong a, loan sukbo ding hai chu loneitu haiin loan chin lem an lak hai le loneitu harsa zuol hai Rs. 1 lakh sukbo

pek dinga ti a nih. Borpa khuaa loneitu Kedard Singh chun, "sawrkar ta dingin thalna nasatak suklang ang nisien khawm, loneituhai ta ding chun iengmalo 'lolly-pop' ang chaw a nih" tiin a hril. Chuong ang bawkin loneitu ve tho Devi Singh, Rajan Singh le midang dang hai khawmin Chief Minister Yogi Adityanath in an loan hai a sukbo pek vawng an ring laia, tlawm azawng chaw a sukbo pek chu umzie a um naw thu an hril a, sawrkarin loneituhai a hlemna mei mei

niin an hril. Chuong lai zing chun, Prime Minister Narendra Modi in campaign a nei lain, loneituhai loan sukbo pek ding zat a hril nawh a, sawrkar hmalakna chu loneituhai mitthli sawrkarin a hrak pekna nia an ngai thu loneitu thenkhatin an hril tung. Mathura district le distric thenkhatna loneitu um hai chun, sawrkarin loan a sukbo pek ding chu kum 2016-2017 sunga mi ding chaw a ni leia an lungnuolna thu an hril. Loneitu Deen Dayal Gautam chun,

loneituhai Rs. 1 lakh zang-nadawma pek chu tuipuia namphutma ang chaw a ni thu a hril a, kum iemanizat liemtah a inthaw loneituhai chu khawmuol le thil dang dang leia harsatna nasatak an tuor ta thu a hril. Loneitu thenkhatin sawrkar hmalakna leia an lawm thu an hril a, loneitu Kushal Pratap Singh chun, bat nei lovin a um ta ding leia hmalakna thar tanna tha tak a ni ding thu a hril a. Loneitu haiin loan an nei chu Rs. 1 lakh tinglo a tam lem niin a hril bawka.

Nuhmei kum 8 mi Zawng hawn le um sansuok

BAHRAICH: Uttar Pradesh a Bahraich hmuna Zawng hawn laia khawsa hlak nuhmeite kum 8 mi hmuok a na, Bahraich police haiin an sansuok. Chu nuhmeite chu Motipur range hmuna Katarniaghat Wildlife Sanctuary-ah sub-inspector Suresh Yadav in a hmu hmasataka hril a na, tawng khawm tawng theilo le mihriem hai anga khaw-sak dan hrielo a nih.



Zawng hai angin a dawnlet pei nia hril a nih. Theitawp suo a thang an lak hnungin, an sansuok thien hram a, tuhin district hospital a enkawl mek a nih.

Nuhmeite chu a tawng thien nau el chaw ni lovin, mi tawng khawm a hriet naw a, mihriem a hmu chun a ti bawka a nih. Doctor haiin an enkawl mek lai khawm

chun, thang nasataka la in tharum insuo a tum zing niin a enkawltu doctor haiin an hril.

Doctor haiin enkawlna an nei hnungin, nuhmeitenu chu hma a sawn peia hril a na, a hmasawm dan ruok chu a awisawt hle thung. Fak-thei le bu hai khawm a kut hmang lovin, a bawu nawrta a fak el hlak. A kea inlawntir an tum khawmin, ransa angin a kut le ke hmang kawpin a lawn pei tho a nih. Zawng hawn laia iengtieta um am, khawlaia inthawka suok am ti hriet lo a na, doctor haiin mihriem pangngai anga siem tumin thang an lak mek.

Assam-ah bawngsa hme leia mi 3 man

GUWAHATI: Jorhat, Assam-ah bawngsa zavr le hme-na le inzawmin mi 3 man an nih. Mi 3 hai laia pakhat chu kum tinglo a na, an rengin Assam Cattle Preservation Act, 1950 besana thubuoi siem khum an nih. Hieng mi 3 hai hi mipui vantlangin sawisela an thelut leia man an nih. Assam state a BJP in sawrkama a chela

inlawt, 'Hindutva' ideology suklar pei a na, chuong thu le inzawm peia bawngsa fatuhai khawm hi man ni dinga ring an ni thu ei thu lakna chun a hril.

chawi nia hril a nih. Bawngsa chu ke chanve a na, zantienga an hme dinga an chawki niin a hril. Chu thu mipuihai in an hriet phing leh, an umna hmuna Temple a um ti suonlamin bawngsa an fak chu an khap pek a, police-ah report an peklut a nih.

state sunga bawng that a khap a, chu Act besanin Bhugdoi police station-ah FIR an thelut a nih. Mana um mi 3 hai chu zannikan Chief Judicial Magistrate hmaa inlawntir an na, putling 2 hai chu judicial custody a la um hri dinga ti niin, kum tinglo chu Juvenile Lichubari Observation Home a um dinga thawn a nih.

UAE-a India doctor in lottery-ah Rs. 17.5 crore chuong a man

DUBAI: India rama Kerala mi nuhmei doctor Nishitha Radhakrishna Pillai chun Abu Dhabi (UAE) hmuna Lottery Dirham 10 million (Rs 17,68,00,000 anghu vel) a man. Ms Pillai hi medical doctor niin tuta hma khan kum 2 vel UAE a hin Paediatrician sin a lo thaw a, tuhin Houston, Texas, US-ah a pasal le a

nauhai pahni leh an khawsa mek a nih. A pasal hin thla 6 liem-taa inthawkh khan ama (Pillai) hming hin online in ticket hi an chawkh hlak a, tuchena hin ticket coupons 50 vel an chawk ta thu Pillai chun a hril. Lottery-a an pawisa man hin iem an thaw ding ti a pasal leh an la sukfel naw thu a hril

Hi Big Ticket raffle lottery hi Abu Dhabi International Airport hmuna thaw a ni a, hiengang millionaire promotion lottery lienthiam thaw le fe sawt tak an ni ta a, tuchena hin Big Ticket raffle chun millionaires 178 a puong ta a, tuta hmaa a lo man hmasatu hai chun Dirham 1 million dam an bawka.

Thla hmasa khan India mi Abu Dhabi hmuna um kum 33 mi chun Rs. 12 crores chuong a lo man ta bakah Kerala mi Sreeraj Krishnan Kopparembil chun Dirham 7 million (Rs. 12, 71, 70, 000 vel ding) Abu Dhabi Big Ticket Draw-ah a lo man ta bawka a nih.

Churachandpur Weather Forecast: April 7, 2017 (FRI)

Table with weather forecast for FRI MORNING, FRI AFTERNOON, FRI EVENING, and FRI OVERNIGHT. Columns include Chance of a shower, Partly cloudy, Temperature (20°C, 27°C, 19°C, 18°C), Feels like, POP, Rain, Wind, and Humidity.

V. Hangkhanlian lawmpuina



CCPUR: Zani zantieng 1:00PM khaan Buallian lalpa hmalaknain CC-Pur A/C a inthawka MLA dinga thlangting V. Hangkhanlian Minister pek a n lawmpuina hun Buallian Primary School Campus-ah nei a nih. Hi huna hin Khamneipau, Chief of Buallian, Election Committee le Mahila Unit Women Wing han thilpek inhlanna hun an hmang a, G. Vung-suanthang, Chairman, Central Executive Committee, Paukhanlian, MDC, Election Agent, Muan Tombing le Dr Kimboi haia inthawktu thuhiril ngaithlak a nih.

tha taka an nei theina dinga hma a lak thu, minister a ninaah a department chel in hamthana a hung in-tun ngei a beisei thu, Imp-hala Ima Market ang District Hqrts tina bawl a ni ding thu, Thlaichingtu hai ta dingin ADC level a market siem thei a ni thu, khaw tinin tui thienghlum hnienghnar tak an nei theina dinga theitawpa hma a lak ding thu, fund um-naw sienkhawm district sung lampui hai vavikhat thua zo a ninaw khawmin puuca road a siem vawng a thiltum a ni thu Road extension khawm thaw tul le pawimaw a ti thu a hril bawka.

UKLA President le a rawihai 2 man

IMPHAL: April 5, 2017 zing dar 1:30 vel khaan Manipur Police han Serena Hotel, Senapti a inthawk United Kuki Liberation Army (UKLA) President Thangkhoisei Guite @ James alias Max (33), s/o Lamthang of Bunglung Village le a rawihai laia mi pahni Seigoulien Doungel @ Gogou @ Kenry Gou (31), s/o Lamgang of Puleijang village, Kang-pokpi district e Lenkhomang Kipgen @ Mamang (29), S/o Thangkhoulun of Keithelmanbi Ward No. 6, Kangpokpi district district hai chu an man. Thang-

khosei Guite hi Manipur sawrkar chun a man thien hai kuomah Rs. 1,00,000 pek ding a puonglang tasa a nih. UKLA cadre-hai chu Keystone Infra Pvt. Ltd hnuaia Labour pakhat thui-hmangnaa thang an nih. UKLA thuiotuhai hi Heis-nam Balram, SP, Kangpok-pi le a rawi han an man a nih tiin L.M. Khaute, DGP, Manipur chun zani hmasaa a office hmuna Chanchin-bumihai an hmupui huna a hril. UKLA hotuhai kuta inthawkh hin lekha pawimaw thenkhat Police han an man sa.

Speaker in a ngaisak vat naw leh Court-ah

IMPHAL: Congress Party in Th. Shyamkumar Singh disqualify ding an ngenna hi Manipur Assembly Speaker in a ngaituo vat naw chun Court-ah fepuu ning a tih tiin T.N. Haokip, President, Manipur Pradesh Congress Committee (MPCC) chun a hril. Congress MLAs 10 hai chun Th. Shyamku-mar Singh hi Constitution Tenth Schedule hnuaia disqualify dingin ngenna

lekha Manipur Assembly Speaker kuomah an pek a nih. Hi thil hi hung "process" dingin Manipur Assembly Secretary inhrietir a ni tah tiin Speaker Yum-nam Khemchand Singh chun tuta hma deu khaan a lo hril ta a nih. Th. Shyam-kumar Singh hi tuhin Minister of Forest & Environment, Horticulture & Soil Conservation le MAHUD chel mek a nih.

Meghalaya-ah mi 7 in kum tinglo suol hrawn

SHILLONG: East Jaintia Hills, Meghalaya-ah mi 7 haiin nuhmei kum 16 mi le piengphunga ruolbanlo pakhat an suol hrawn. Nuhmei suolluitu hai laia mi 5 chu kum tinglo tho niin, dan ang taka an chunga rorel a nih. Mi suolluitu pakhat chu April 2, 2017 khaan man a ni a, thubuoi siem khuma hrentang mek a nih. Police haiin record an nei dungziuin, insuolluina chu liemtah March 19, 2017 a kha thung a ni ta a, April thlaa police kuoma intun chaw a nih. Nuhmeinu pa in FIR-a a ziek danin, a nauuu kum 16 mi le piengphunga ruolbanlo chu March 19, 2017 khaan dawrkai dingin a suok a, chu zan po chu

In inlawi lova umin, zawng hmu zo lo a nih. A zinga chun an sungkuo hnaa haiin an hmu a, suichiengna an nei hunah mi 7 in an suol hrawn ti hmuosuk a nih. Tuta mi hi Meghalaya state sunga mi suol hrawnna a kum tinglo an thung tukuma dingin a tum hnina a ni tah. Chuong kum tinglo inlawlna nei ve hai chu kum 12 le 18 inkara mi vawng an nih. Kum tinglo 7 hai laia 2 hai chu judicial custody a sie an na, midang 5 hai chu enchiengna nei dinga Juvenile Home a thun an nih. Mi suol hrawnntu hai laia putling chu IPC section 376(g), section 6 le POC-SO Act hai besana thubuoi siem khum a nih.

Table titled 'ALL INDIA RADIO: CHURACHANDPUR PROGRAMME' with columns for Date, Time, Studio, and Programme. It lists various radio programs and their hosts for the date April 06, 2017.

LAKTAWI

Mi 4 pilin a vur hlum

KHAGARIA: Bihar a Khagaria district a nupui pakhat le nuhmei naupang 3 hai chu zanikhan pilin a vur hlum. Chuong nuhmei 4 hai chu khur an cho lain kho a chim pal leia a vur hlum an nih. Nuhmei 4 hai chu Akaha village a um nin, sin an thaw lai chun ruo a sur zinga hril a nih. Mithihai chu Kanchan Devi (25), Kajal Kumari (14), Suriman Kumari (14) le Nasri Khatun (12) hai an na, a hmuna an thi nghal a. Anni ruola pasal naupang kum 7 mi um ve ruok chu hliamna chite tuorin a damsook. An ruonghai chu post-mortem thaw a na, naupangpa chu Khagaria Primary Health Centre (PHC) a enkawl a nih.

Social media-ah MPs hai hlaw indik-lo sukdera hril

NEW DELHI: Tulai hin social media tum tum haiah MPs hai hlaw indiklo taka sukdar nia hril a nih. Chu thu le inzawmin, zanikhan Samajwadi party member Naresh Agrawal in Rajya Sabha-ah zawna a siem a, MPs hai hlaw le allowances hai chu information indiklo peksuok a ni thu a hril. Question hour huna hriltlangna nei a na, Agarwal chun MPs hai hlaw chu 2009 a inthawk enawna a la um naw thu a hril. Deputy Chairman PJ Kurien in social media tum tum haia MPs hai hlaw indiklo taka sukdar hai chu siemthat dan lampui ngaituo a pawmaw thu a hril a. Congress le opposition parties tum tuma members hai thangin, Deputy Chairman a thuhiril chu an thlawp thu an hril.

American Novelist Toni Morrison kuoma Literary Award



WASHINGTON: American novelist le Nobel laureate Toni Morrison chu zanikhan American Academy of Arts and Sciences' Emerson-Thoreau Medal (literary award) inhlal a nih. Hi award hi kum 1958 a tan a ni a, mimal literature tiengpanga thawhlawk hai kuoma inhlal hlak a nih. Tuta hmaa hi award/medal lo dawng ta hai lai Robert Frost, T.S. Eliot, Katherine Anne Porter, Saul Bellow, Norman Mailer le Philip Roth hai an thang. Medal hi zani zantiengna Academy headquarters, Cambridge, Massachusetts hmuna ceremony huna inhlal a nih.

Parliament in GST Bill a passed

NEW DELHI: Goods and Services Tax Bills chu Rajya Sabha-ah hriltlang nei a ni hnungin Lok Sabha-ah peklut nawk a na, zanikhan passed a nih. Bills hai chu chi 4 a thethawp an na, Central GST, Integrated GST, Union Territory GST le GST Compensation Bills hai an nih. Central GST chun central le inzawma tax hai a huoma, integrated GST in inter-state a mi hai huomin, Union Territory GST Bill in Union Territories tum tuma mi hai huomin, compensation law hin central sawrkarin kum 5 sunga state tum tum haiin revenue loss an nei hai ngaituona



ding a phur a, hieng tax dan thar hai hin lonietuhai lohamsuok hai tax lak a ni naw ding thu Union Finance Minister Arun Jaitley in a hril. Inpui inthung zoa Arun Jaitley in chanchinbumihai inbiekpuina a neina a chun, Bill 4 hai chu lungruol taka Parliament in a passed thu a

Kum 20 hnungin India-ah zunthlum invawi 120 mn tling dinga hril

HYDERABAD: India rama hin tuhin zunthlum invawi 70 million an um mek a, tuta inthawka kum 20 sungin zunthlum invawi 120 million an um hman ring a ni thu Indian Institute of Public Health (IIPH) chun a hril. Chuong zunthlum invawi hai chun inenkawlina dingin mi pakhatin a tlawm takah Rs. 25,000 vel an seng a, zunthlum invawi hai chun damdawi man chau nilovin, a natna nenkawlna dinga sengto tam tak a um belsa niin GVS Murthy, Director, IIPH, Hyderabad chun a hril. India a zunthlum invawi 70 million an um chu khawvel rambungai laia a tamtak dawttu a na, China ramah 110 million umin khawvela rambung zunth-

lum invawi an tamta tak a nih. Kum 20 hnungin zunthlum invawi an pung ding chu san dang dang leia tlung ding niin Murthy chun a hril a, India rama mi puitling thi hai laia 50% chu zunthlum invawi, an natna hriet kher lova thi an ni ding thu a hril bawk. Murthy in a hril dan chun, khawvel pum huopa puitling zunthlum natna invawi hai inenkawlina chu USD 673 billion ni dinga a ring thu a hril. Zunthlum natna inenkawlina hin mimal le sawrkarin sengso an nei ve ve niin a hril bawk. Hieng thu hi World Health Day hmangna ding le inzawma Murthy in a hril a na, tukuma WHD campaign thupui chu 'de-

IIT-Delhi engineer in 'hybrid plane' siem ding

NEW DELHI: IIT-Delhi hmuna mechanical engineer inchuk suok Ashish Kumar chun US hmuna vuongna chikhat 'hybrid planes' siem dingin an puocha mek a, project a zo phaa India hmuna zawr suok dingin an siengsa mek. Ashish Kumar chu Kirkland (Washington)-based Zunum Aero phuntu le CEO chel lai mek a na, a vuongna siem chu kum 2020 hma neigia zo a tum a

ni. Hybrid plane chu Boeing le JetBlue hai hmelmang put ding niin, mi 20 chuong theina a siem phawt ning a tih. Kum 2 hnungin prototype hmasatak suksuok a, 2020 kum bul tiengna zawr suok hman dinga riruong a ni thu Ashish Kumar chun a hril. Ashish Kumar chu Cornell University a inthawk khawmin mechanical and aerospace

JNNURM hnuoia In 7 lakh bawl tah

NEW DELHI: Delhi le khawpui hnan hnan hai huoma sunga hmuna changkang lo le slum area haia In in bawlna dinga siem Jawaharlal Nehru National Urban Renewal Mission (JNNURM) hnuoia In 7 lakh bawl a ni tah. JNNURM chu Pradhan Mantri Awas Yojna le Rajiv Awas Yojna scheme

hai le thanguola sinthaw a nih. Rao Inderjit Singh, Minister of State for Housing and Urban Poverty Alleviation in a hril dan chun, In bawlna um ta po hai laia 1.24 lakh hai chu metropolitan hmuna um an na, a dang 75,430 hai chu khawpui chin lem haia um an nih. JNNURM

Assam-ah Gunotsav hawng; PM in lawmpuina thu hril

NEW DELHI: Assam state sunga education sukmasawna dinga siem Gunotsav chu hlawtling taka hawngna nei a nih. Gunotsav hlawtling taka hawng a ni lein, Prime Minister Narendra Modi in a lawmpuina thu a puong a, Assam state sunga education system

sukhmasawntu a ni ngei a beisei thu a hril. Gunotsav chu inchukna ngirhmun le hlawtling dan suklangu ta na, Assam state sunga teachers le students hai chu hamthatna tam tak a pek pha a ring thu PM in a hril. Gunotsav hnuoia hin institutions tum tuma students

Mexican drug lord Beltran Leyva US-ah damsung lungin intang dingin

WASHINGTON: Mexican drug-trafficking cartel Beltran Leyva, "el Mochomo" tia hrietlar chu zani hmasa khan US District Judge Richard Leon chun damsung lungin intang dingin thiennaw an changtir. Alfredo Beltran Leyva (46) hi international narcotic trafficking-ah inrawlna neia intumna le inzawma thiennaw inchangtir a nih. Kum 1990s laia inthawk khan Beltran Leyva Organisation le Sinaloa Cartel hai chun drugs sumdawngna le phurlawna tiengpanga network tha tak siemin United States sungah Cocaine le Methamphetamine ton tam tak an thawnlut niin US Law enforcement official thusuok chun a hril.



An vanlai tak chun Beltran Leyva Organisation hin western Mexico ah drugs a sumdawngna hi an control tawp bakah mi tam tak hringna suottua ngai an ni bawk a nih. Alfredo Beltran Leyva hin mi that mei mei pawisakna nei lova hrat taka United States sunga dan loed drugs tam tak tawlraktu ngai a ni a. Kum 2008 kumbul laia

SIELMAT CHRISTIAN HOSPITAL & RESEARCH CENTRE

FREE EYE CATARACT DETECTION & DIABETIC RETINOPATHY SCREENING CAMP

Hung tung ding Inrinni (Saturday) Date 8th April, 2017 Zing dar 10:00A.M. -1:00PM hin Sielmat Christian Hospital-ah Eye Cataract Detection & Diabetic Retinopathy Screening (Diabetic leia mit tienga harsatna neiha) Camp a um ding a na, a thlawmin in en thi ning a tih. Operation a lo tul khawma a pangngai neka man tlawm lemin Operation thaw thei ni bawk a tih. Advance booking thaw thei ninaw nih. First Come First Serve! ** Chun, Hepatitis Vaccine puitling a mi khawm nuom hun huna inkap thei zing ning a tih. Kap khatah Rs. 150/- ning a tih.

HMAR MIPUI KUOMA INHRIETTIRNA LE NGENNA

Tarik 6th April, 2017 zing dar 7:00AM khan Saikawt HYA Hall-a Hmar khuo tina inthawk V/A Chairman/Secretary hai le Hmar Martyrs' Day Organizing Board (HMARTOB) hai Joint Meeting nei a ni a, a hnuoia mi hi rel a nih. Ei hnam hmangaina leia hringna hlutak loin hlan ta hai hrietzingna ni 16th May, 2017 a hmangna ding le inzawmin ei renga ei sun seng theina dingin Hmar khuo In tin-ah Rs. 50/- (Sawmnga) a Ral nisien ti a ni a, Ralna lakkhawm tuding chun mani khuo chita V/A haiin maw hung phur an ta. 30th April, 2017 bo hma neigia tlawmngia lo pe dingin mitin kan hung ngennin kan hung inhriettir cheu. Hnama in sinthawpui hai, Sd/- Lalvullien Hmar Chairman, Sd/- Alan Famhoite Secretary.

HSA CHUNGA LAWMTU HRLINA

Parbung Govt. High School-a inthawka HSLC Exam ding han Study Camp an neina ding phal taka HSA Hostel a thlawm tawpa min hmangirtu HSA General Headquarters le Tuithaphai Joint Harts thuoituhai chunga kan lawm takzet a. Lungril takin Parbung Govt. High School chun hi chanchinbu fethlengin lawmtu kan hung hril a nih. Chun, study Camp an nei sunga Desk le Bench min hmang hawtirtu A.G. High School, Rengkai Govt. H/S Headmaster hai chunga lawmtu ka hril a. Mimal table le chair min hmangirtu hai po po le naupanghai in lunginsietna leia in thil thaw hi Lalpa'n a let tamin malsawm raw se cheu. Chun, ka sawl ka kham khawm ti lova, a sun le a zana chawl lova Teaching mi pe pektu Tv. Lalenglien Ralsun le a ruolhai chunghak ka lawm takzet a, Lalpa'n in hma thuooin, mi harsa hai ta dinga malsawmna ni pei dingin malsawm raw se cheu. Sd/- Lalruot Ralsun, MA, B.Ed. Headmaster, Parbung H/s

RBI in 'repo rate' thleng danglam lo

MUMBAI: Reserve Bank of India (RBI) in repo rate 6.25% a la hmang zing a, thleng danglamna iengkhawm a um naw thu zanikhan thusuok a siem. Zanita financial year thara dinga Monetary Policy a suksuokna a chun, kum chanve (first bi-monthly) a dingin 4.5% ning a ta, kum chanve nawka dingin 5% a ni ding thu a hril. RBI chun 7.4% a inthang dingin GDP riruong a siem a, 2016-2017 a GDP 6.7% neka insang dingin a ring a nih. Micro-economic hmanga thlima a neina a chun, indicators hnan hnan hai chu inthang hrat raklo dinga ring a nih. Policy enawna a neina a chun, RBI in interest rate chu 6.25% ni dingin a la cheltang hri a. Member 6 umna Monetary Policy Committee (MPC) in recommendation a siem dungzua policy enawna chu nei a na, zanita mi chu tum 4 enawna a neina a ni tah.

Turkish airstrike-ah Kurdish helpawl 8 thi

ANKARA: Turkey Air Force chun zani hmasa khan Iraq le ramri-a Curkurca area tlang-a Kurdistan Workers Party (PKK) fighters hai umna hmun indo vuongna F-16 hmangin a bei a, Kurdish helpawl 8 in thina an tuok niin Hakkari governor's Office thusuok chun a hril. Turkish helpawl hai hin Iraq le ramria Turkey sipai hai silain an kap a, chu thungletnaa indo vuongna hmanga an va bei niin official thusuok chun a hril. F-16 Jet tir a ni hma hin drone hmanga va enthlak phawt a ni a, chu hnunga an umna hmun tak hriet a ni hnunga an va bei a nih. Turkish airstrike a hin Kurdish helpawl pakhat a hliem a, Hospital panpui le enkawl mek a nih. Kum 1984-a PKK in Turkish state hnan gena helna an thawa inthawk tuchena hin mi 40,000 chuongin thina an tuok ta a, United States le European Union chun PKK hi terrorist group-a a lo puong ta an nih.

Thailand King in Constitution-ah suoi a kei tah

BANGKOK: Thailand lal King Maha Vajiralongkorn chun zanikhan Constitution hmang thei dingin suoi a keihnan tah. King Maha Vajiralongkorn in Constitution thara suoi a kei ta lei hin military government in kum 2014-a coup an thaw hnunga democracy sawrkar siem nawk dinga a lo intiemna angina election nei theiin a hung um nawk ta ding a nih. Thailand General Election hi kum

ACCELERATE Bijang Family Lane, Churachandpur. Congratulations to the successful candidates. IBPS PO - 2016, IBPS CLERK - 2016. Candidates: Giniyang Vualnam, Henminlen Haokip, Angela Donbiakhoh, Kim Mary Haokip, Thangjapao Doungel, Sumrosiem.

ACCELERATE Bijang Family Lane, Churachandpur. NERIST ENTRANCE- 2017 (Class X) Crash Course. Start 6th APR 9:30Am-12:30Pm Reg Fee-500. Course Fee: 1000/- (Special Offer) Duration: 3 Weeks. Contact: 8575571524/8119871471. 2 Students cleared NERIST-2016: 1 in 2015. Last Lap - NEET 2017! Crash Course. Features: - Classes daily 8:30am-10:30am - PCB. Mock Tests every SATURDAY. Reg Fee-500. Course Fee: 1000/- (Special Offer) Duration: 4 Weeks. Regular Classes for JEE Mains 2018 from 1st May. Regular Classes for NEET/AIPMT 2018 from 15th May. XII Foundation Course for JEE/NEET 2018 from 1st May. Prepare for XII Board & Engineering/Medical simultaneous.

NAME CHANGE. I, JANE LALENKIM JOUTE, d/o Jousanghle Joute of Rengkai, Churachandpur, Manipur have changed my name to JANE LALENKIM for all future purposes. Sd/- Jane Lalenkim

SPECIMEN AFFIDAVIT FOR CHANGE IN NAME/DEED POLL/SWORN AFFIDAVIT. By this deed I, the undersigned Lalngkhakliana Kiangte previously called Lalngkhakliana, doing self employed and aged about 31 years s/o Vanlabiakhanga permanent resident of IB Road Lamka Churachandpur, P.O. & P.S. & District-Churachandpur, Manipur and presently residing at 11/C, CGH Complex Vasant Vihar, P.O. & P.S. Vasant Vihar, New Delhi 11057 do hereby take oath and solemnly affirm as follows: 1. That for and on behalf of myself and my wife, children and remitter issue, I wholly renounce/relinquish and abandon the use of my former name/surname of Lalngkhakliana and in place thereof, I do hereby assume from this date the name/surname Lalngkhakliana Kiangte, so that I and my wife, children and remitter issue may hereafter be called, known and distinguished not by my former name/surname, but assumed name/surname of Lalngkhakliana Kiangte. 2. That for the purpose of evidencing such my determination declare that I shall at all times hereafter in all records, deeds and writings and in all proceedings, dealings and transactions, private as well as upon all occasions whatsoever, use and sign the name of Lalngkhakliana Kiangte as my name/surname in place and in substitution of my former name/surname. 3. That I expressly authorize and request all persons in general and relatives and friends in particular, at all times hereafter to designate and address me, my wife, my children, and remitter issue by such assumed name/surname of Lalngkhakliana Kiangte. 4. In witness whereof I have herunto subscribed my former and adopted name/surname of Lalngkhakliana Kiangte affix my signature and seal, if any, this 2nd June, 2016. Signed sealed and delivered by the above name. New Name - Lalngkhakliana Kiangte Former name- Lalngkhakliana

LAWMTU HRLINA. Tipaimukh Ruoltha Society chun 11-1-2017 khan Lottery a buotsai a. Draw date dinga a riruong 5-4-17 nia draw theia a um lein lawmum kan ti hle. Prizes hai:- 1st Prize: Belsung khap 8. 2nd Prize: Belsung khap 7. 3rd Prize: Belsung khap 6. 10th na chen Consolation prize hmebelte khap 2 1/2. Prizes mantuhai:- 1st Prize- Tv. Rameithang-Muolhnum. 2nd prize- Nk Ramengmawi- New Delhi. 3rd prize- Chanropui- Seiman Veng-Muolbhem. Consolation prize dawngtuahai- 1. Henry-Muolhnum. 2. Siemmoi - Leikai. 3. Mama- Nagaland. 4. Lalhlipui-Bethlehem Veng. 5. Laltinghang- Seiman Veng, Muolvaipei. 6. Lalhrietsang- Seimang Veng, Muolvaipei. 7. Ramhlimum- Shan Veng. Tlawmngiaa ticke mi kan pektuhai po po chunga lawmtu kan hril a. Chun, vangei chungchuonga prize mantuhai po po kan lawmpui bawk cheu. A man lo hai khawm lungril sukna loin mi ta dinga malsawmna ei nih ti hre seng ei tiu aw. Tipaimukh Ruoltha Society aian, Sd/- Mrs Lalhmgangai Secretary, Sd/- Lalbiekrawn Zote Chairperson

LAWMTU HRLINA. Inhnawm harsa ka tiin ka tawla a na hlak a. A chang leh ka kawng a na a, kan hnawmna a inthawk thisen a suok hlak a. MV Azad Phusam ka pan a, a mi enkawl a inthawk ka hung dam ta a. Ami enkawl damtu chunghai hin lawmtu ka hril. A pan nuom han Old Bazar, Teddim Road, Near ICI Church Road-ah pan thei le contact Nos. 8014025567/7628890261 haiah ngaiven thei a nih. Time- 8:30AM to 3:00PM. Sd/- Jau Gunuam Moreh Ward No. 2

Britney Spears, 2017 RDM Music "Icon Award"

LOS ANGELES: Britney Spears chu The Mickey Mouse Club ah mouseketeer lem a changa inthawkin kum 23 a lo liem tah a. Chuong lai zing chun Mickey Mouse Club chu fe zingin Radio Disney khawm a tuong pei a, 2016 khan kum 20 a lo tling ve tah a. A music le hlahai mi tamtakin an ngainat le khawvel fang suok khawp a nih tah lein 2017 Radio Disney Music Awards chun "Icon Award" hmasatak inhlân a tum tah a nih.



hriet a. A hlawtlingna ropuitak, 1998 a inthawka mihai hrietzingna dingin hi chawimawina hi inhlân tum a nih" tiin a hril.

Radio Disney Network Gen. Manager le Disney Channels Worldwide-a Music Strategy vice-president Mr Phil Guerni chun, "Ni kum 2016 khan Radio Disney kum 20 tlingna ei lo lãwm tah a. Chu le inzwam pei chun RDMA 'Icon Award' hi siem tha ti a nih a. A hmasataka dingin khawvel pumpuia Radio Disney fans han a hla an ngaisangtak le mi hne tak Britney Spears hi chawimawi phuin kan

Favourite Song dinga nominated a nih bawk. Hi Award hi April 29 khin Microsoft Theatre, Los Angeles ah inhlân ning a tih. Hi huna hin Kelsea Ballerni, Hailee Steinfeld, Alessia Cara, Noah Cyrus, Julia Michaels han an perform bawk ding a nih. April 30, 7pm, EST khin Disney ah en/ngai thei ning a tih.

Harry-in Diana Thucha Hleng Dingin A Ngen

LONDON: Prince Harry chun a nu Lady Diana thucha angin, khawvela landmines (bomb phumruk) a bo theina dinga hmalaknaah mi tin thahnem ngaitaka thang seng dingin a ngen. A nu thutiem le hmalakna chu hlãwtling ngei sien a nuom thu hi, 2025 chenah khawvela landmines sukbo vawng a ni theina dinga hmalakna Landmine Free World 2025 hunser ah key-note address a hrlinaa a hril a nih.



chu puitling an nih tah a. Vawisun eini lai an thang thei a nih. Kum 20 hungna khawm an taksa bung kim nãwna lein harsatna an la nei zing a, pawisa tamtak tak sêng a la ngai pei. August thla, ka nu a thi hma chãwkwãr khat-hni vel chawu khan, theinghil an ni naw ding zie a hril pek a. Chulein, ka nu lo thi tah sienkhawm, Zarko le Malik le, anni ang midanghai khawm theinghil lovin thangpui ei tiu. Khawvel pumpuia landmines um tah lova siem dingin, a sin zolo

zo ei tiu, an mi ngãhk zing a nih" tiin a hril bawk. A hril dan chun, kum tina rambung a huoma bik Afghanistan, Cambodia le Sri Lanka haia landmines inthiefaina dingin Euro 100 million - football player pakhat ruoina man - vel a tul niin a hril a. Rambung 27 zet landmines inthiefaitu "huoisin le inpezo" organization/team hran hran MAG, The Halo Trust, Norwegian People's Aid, Danish Demining Group le a dang danghai kuomah lãwmthu a hril bawk.

Landmines leia tuor naupang pahni Diana-in a lo thangpuihai le mi dang dang thangpui zawm pei dingin a ngen a nih. "Princess of Wales, Diana Khan August 1997 khan Bosnia ram, Ken Rutherford leh an va sir a. Chutaka chun naupang pahni landmines leia ke pahni chãn ve ve, Muslim pakhat le Serbs an hmu a. An chanchin khawvelah a hrla, landmines sukbona dinga hmalakna chu a tan a. Tuta hitaka um tamtak hi hrepuitu le hmalatu in nih ve kha" tiin a hril a. Ken Rutherford le midanghai chun an lu an lo suk ngau ngau a. "Kha naupang pahni, Malik le Zarko hai kha tuhin

hi nuizat a um nawh le a nih. A thalak dang danghaia khawm Jean kekawr bul hruie nei chau buna, a kekawr hruie chu bodice anga hmanga a nene hmur chau thupin, a sam sen thal hner inkak sieu, bubblegum lipstick sen taluo lo sexy tak leh a hei inphalang chu, an pholang ang ngeiin ngaituo sap ding a tam naw hle.

Charlotte Dawson Photoshot Thar A Hot Hle

LOS ANGELES: "Ex On The Beach" star le MTV star inlãr Charlotte Dawson chun a ina inthawka beauty parlour thaw mei mei khawm nisien inlãr zuel dan ding a hriet hle a. Tulai hnae khan Jean kekawr dar bat, hruie-zakuo leh thi dang iengkhawm hak lovin a nene hmur chau thupin a photo shot thar a hung pholang zet chu a lum hlat hlat hle.



hi nuizat a um nawh le a nih.

Kum 24-a upa Charlotte Dawson chu, khaw-sawng hmël deuin naw dang tieng ngaha carelesse deua a kekawr hruie keia a ngir lai lim a nih a. A Kekawr hruie chun a awmbawr lai vel po a thup hne si nawh, a nene hmur char thupin nene hmur nei lo angin an langa chuh a nal danglam tak a nih. Nuizat siem thiem Les Dawson naunu Charlotte Dawson hi thlalãk in pose a thiem dan

A thlalãkhai hi William Panter-in Redbox, Blackpool-a a lak an nih a. Thlalãk pakhatu chu room inthim a hmël chau hung elvar theinaah saruok vawnga um, a nene hmur po a hup a, var hung suokna tieng a sam inleng hieu, hner inkar sieua a en lai a nih a. Milim ziek-thiem han duthusama 'siren' liem an ziek le sex-symbol ang hlãwla nal a nih.

Pasal pahni leh chanchin nei taa hrl a ni lain Charlotte chun, "Kei chu mania intodel nuhmei, pasal ngaina lo ka nih. Hieng hai hi ka brand thar le ka lãlram tungdingna dinga ka bul tãna chau an nih" tiin a tumru tel tel hle. A hmël en anga 'awlsam' deu dinga ngaihai khawmin an baw suol ding a nih. Ler hmël deu titak deu le thutak deu ei thiai ang chi a nih.

Pippa Middleton Le James An Innei Ding

LONDON: Duchess of Cambridge, Kate Middleton sangnu Pippa Middleton (33) le, kum hni lai a lo inhuolpui tah, millionaire, Hedge Fund investor le car racing driver hlui James Matthews hai chu May 20 khin St. Mark's Church, Englefield, Berkshire ah innei an tih. Pippa Middleton le James hi ni kum khan lunglu (Diamond) 3.5 carat hmangin an inhuol a, kum sãwm vel lo inhrie tah an nih.



Matthews (27), reality TV star ve tho khawm family tieng chu an thang ring a nih.

Pippa Middleton hi an larna chu 2011-a Prince William le Kate Middleton hai an innei tuma figure-hugging (skin tight) Alexander McQueen dress a hung hãka inthawk khan a nih. Pippa le James Inneina hi a ropui thei ang tawpa nei tum a nih a. Wedding reception chu 18-acre Georgian Grade II, Pippa le Kate nu le pa Carole Middleton le Michael Middleton hai chêngna hmuna nei ning a tih, tiin The Telegraph le Hello chun an ziek.

Prince Harry khawm thang ngei ngei dinga hril a nih a. A bielnu Meghan Markle khawm a thang ngei ring a nih bawk. Pippa wedding dress (mo fãwm) thuitu ding hi pasal designer Giles Deacon a nih el thei, asan chu 2016 khan Pippa le a nuin an lo inhmupui tah lein. Hieng-lai zing hin Kate le Victoria Beckham hai favourite Jenny Packham khawm a ni lem el thei niin Hello chun a ziek bawk.

Arnold-in "Terminator" Sunzawm A Nuom

LOS ANGELES: Mi t henkhatin Arnold-in "Terminator" film chang sunzawm a nuom ta nawh a, Paramount khãwmin suk-tawp a rawt tah tia an hril chu an dik nawh tiin, Arnold Schwarzenegger chun "Terminator" a la tãwp nawa, la chang zawm pei khawm a tum thu a fans hai website pakhat Fandango a hril.

Paramount a nuom ta naw khawma studio 15 neka tam a siem nuom an um a. Director James Cameron leh an la siem nãwk el thei thu a hril. Fandango le interview an neinaah, "Paramount chu thang ta nawng an ta, anachu Terminator film kan la sunzawm ding a nih. President Trump-in 'fake news' a tih ang khan ka ti ve nuom nawh, thudik a nih. Mihai hin an nuom nuom an ziek hlaka, ienglei am ka hriet nawh. Paramount Picture-in an thaw nuom ta naw lei elin a tãwp ta ding tina ni lova. Studio hran hran 15 zet



an la um an nawm, an nawh a?" tiin a hril. "Terminator franchise a la tãwp nawh a. Kum 2018

2019 a inthawkin "Terminator" chu tha takin kan la sunzawm nãwk ding a nih" tiin a hril. Terminator hmasatak le Terminator 2: Judgement Day director James Cameron chun 2019 a inthawkin rights po po a nei ta ding a nih. Details a la hrl nawa chu, "James chun produce tang a ta, director dang um a tih. Terminator dang siem hi ka nuom zing a nih, abikin a story a thaa khawvel pumpu hoop thil a nih chun" tiin kum 70 chuong tah action film la chang pei Arnold chun a hril.

India U17 Football team Portugal-ah

October ni 6 a inthawka inkhel tan ding FIFA under 17 World Cupa thang dinga inbuotsai mek India U17 team chun Portugal U17 le Italy U17 team hai chu friendly match inkhlepui dingin an inpuocha meka, hi zoa hin Ligue 1 club tha Paris Saint Germain U17 team hai friendly match inkhlepui bawk an tih.



India U17 team hai hin April ni 10 pha India suoksanin Portugal-ah in camp an ta, ni 34 sung coach Matos hai ramah hin training nei an tih. AIFF general secretary Kushal Das chun friendly match inkhlepui dingin Austria le Hungary hai khawm an biekpui mek thu a hril bawk.

Thailand International Boxing: Shyam Kumar final lut, Rohit in bronze a lak

NEW DELHI: Thailand khawpui Bangkok hmuna Thailand International Boxing tournament chu a fetluong pei a, 64 kgs category a India ai-aw Rohit Tokas chu semi-final-ah a khingpui a hne naw leiin bronze medal a lak a, 49 kgs category a India ai-aw K Shyam Kumar chu final a lut tah. Shyam Kumar chun Mongolia mi Gankhuyag

Gan-Erdene a hne a, an in-bei huna chun thang an lak nasa in, hmunua a um hle. Shyam Kumar hi 2015 kum khan Gold medal a lak tah a, a ngirhmun hau nawkna ding hin Uzbekistan mi Hasanboy Dusmatov an hnekpui ding a nih. Shyam Kumar in an hnekpui ding Dusmatov hin Korea mi Kim Un Song hne in final round a lut a nih. India mi final lut zo

lova semi-final a tlawm Rohit chun Uzbekistan mi Abduraimov Elnur a hne nawh a, Rohit chun 2015 kum khawm khan semi-final a bawk thla in, India ta dingin bronze medal a hawn a nih. India in Thailand International Boxing a thang ding hin mi 7 a tir a, chuong hai laia mi 4 hai chu opening round-ah an thla nghal a nih.

ISIS haiin Syria-ah mi 33 le Iraq-ah mi 22 that

NEW YORK: Syrian Observatory for Human Rights in a tarlang danin, ISIS haiin Syria-ah mi 33 an that a, Iraq-ah mi 22 an that bawk niin a hril. Syria hmuna mi hai chu al-Mayadin hmuna kaphlum an na, 2017 sunga ISIS haiin mi an that hai laia la tam tum tak niin CNN report chun a tarlang. Zani hmasak khan Tikrit, Iraq hmuna khawm ISIS haiin mi 22 an that a,

chuong hai chu hriemhrei ngei tak hmanga that an nih. Zani hmasak le zanita ISIS haiin mi an that hai chu kum 18 le 25 inkara mi vawng an nih. Iraq khawpui Tikrit a chun police le mipuihai umkhawmna hmun ISIS haiin an kaphrut nia hrl a na, khawpui laili lai taka thichil bomb paitu khawmin bomb an sukpuok niin CNN report chun a hril.

FIFA ranking-ah India 101; Asia-ah a 11-na ni tah

NEW DELHI: India khawm football tieng hma a sawn pei a, thang 2 hungna a vawikhatna dingin FIFA ranking-ah a 101 na a kai phak ve tah. Football khawvela dingin Asia khawmuolpui-ah India chu rambung tum tum hai lai a 11-na a kai phak ta bawk.

Tukum FIFA U-17 World Cup 2017 hi India-in mikhuol a ta, October 6-a inkhel tan-in October 28 khin final inkhel ning a tih. Khawmuolpui paruk a inthawk team 24 hai inkhelin, Kolkata, Kochi, New Delhi, Mumbai, Guwahati le Goa khelmuol hai-ah inkhel ning a tih.

Saina le Sindhu hai an tla nghal



Indian shuttler suongvavr Saina Nehwal le Pularla Venkata Sindhu hai chu Malaysia Superseries Premier badminton tournament-a an match hmasa takna-ah an tla nghal. Nilaini a inkhelna a khan London Olympic bronze medalist Saina hi Akane Yamaguchi lakah minute 56 sung chauin 19-21, 21-13, 21-15 in a tlawm lem a

nih. World number 1 hlui Saina hin game hmasatak a lak hnungin game hninaah khawm 11-8in hma a thuoii hman a, amiruokchu Japanese shuttler hin game hnunung pahni hai lain hnena a chang a nih. Inkhel nuhnung lemah India Open champion hlim PV Sindhu chu Chen Yufei lakah 21-18, 19-21, 17-21 in a tlawm ve nghal

bawk. Rio Olympe silver medallist Sindhu hin Macau Open 2015-ah Chineses shuttler hi deciding game-ah a lo hne tah a, tuta tum ruok hin chu seeded parukna Sindhu hi a vangnei zo tanaw a nih.

Australian PM April 9 in India ram a hung inzin ding



MELBOURNE: Australian Prime Minister Malcolm Turnbull chu India rama ni 4 sung cham dingin April 9, 2017 khin India rama hung inzin tan a tih. Mr Turnbull chun India rama a cham sungin Australia le India ram han a tam thei ang tak thawtlangna an nei thei dan ding Prime Minister Narendra Modi

leh an hrlitlang ding thu zanikhan a hril. Turnbull hi Education and Training minister Simon Birmingham inrawinain educational experts team han an hung zui bawk ding a nih. Nikum-a China rama G-20 Summit huna khan PM Modi chun Turnbull hi India rama hung inzin dinga a lo fiel ta sa a nih.

14TH HMAR MARTYRS TROPHY 2017 FIXTURE: April 7, 2017 1:00PM- Zehang Lamka YC v/s Zawnglai FC 2:30PM- FAST-A v/s Bungkhawpui